

He kaupapa whakatairanga a Connect Smart i te haumaruru ipurangi me te hāpai tikanga hei tiaki tuihono i a koe. Ka whai hua ngā tāngata katoa o Aotearoa mēnā ka whakatutukihia ngā pūmanawa o te ipurangi mā te whakamahi haumaruru me te whakamahi tika. Otirā ko te kōrero whāia te kaupapa Connect Smart.

Connect Smart – tiaki tuihono i a koe

1. Kua e tatari kia tino hē rawa – kia kakama; whakapaihia tō haumaruru ā-hiko i mua i tō taka kei tūkinohia koe.
2. He māmā te whakapai ake i tō haumaruru ā-hiko – ehara i te mahi uaua, utu nui rānei ki te whai i ngā tikanga ngāwari hei tiaki i a koe me ō kōrero whaiaro.
3. Tiaki i a koe anō puta noa i ō pūrere katoa – he mea nui kia haumaruru koe i runga i tō waea atamai me tō paparorohiko i te mea kei runga i tō rorohiko, rorohiko-pona rānei.
4. Mā te tiaki i a koe kei te tiaki anō koe i ō hoa, whānau, mahi hoki – he tino nui te raururu me ngā pānga nui ki a koe, tae atu ki ngā tāngata katoa e mōhio ana koe ki te raweketia ō kōrero whaiaro.

Me pēhea taku tiaki tuihono i a au anō?

Ngā kupuhipa

- Me mātua whakarite koe he rerekē ngā kupuhipa katoa o ō pūrere ipurangi, hei tauira, ngā rorohiko, rorohiko-pona, paparorohiko, waea pūkoru hoki.
- Whakamahia ngā kupuhipa rerekē, taihaka hoki (mā te whakauru pūmatua me te pūriki, ngā tau me te tohutuhi).
- Me auau te huri i ngā kupuhipa.

Wifi

- Wifi: Me mātua whakarite kei te haumaruru ō tūhononga ahokore – me tiaki mā ngā kupuhipa taikaha me te whakamuna.
- Mēnā kai runga koe i tētahi Wifi haumaruru-kore, me tūpato koe ki āu mahi. Kua rawa e whakamahi Wifi haumaruru-kore mō ngā mahi whakawhiti pūtea, mahi pēke rānei.

Ngā Īmēra me te Pāpāho Pāpori

- Me tūpato tonu i ngā Īmēra a te hunga tauhou ki a koe, Īmēra rerekē rānei. Tērā pea he pāme whai pūmanawakino.
- Me tūpato tonu i ngā tūhononga mai i ngā paetukutuku kāore koe i te mōhio. Mēnā kei te āwangawanga koe, kua e pāwhiria. Me haere ki ngā paetukutuku pono anake, tōtika rānei.
- Kia itiiti noa te whakaputa i ngā momo kōrero mōu ake, ō hoa, whānau rānei i runga Īmēra, tuihono rānei.
- Me tiroiro e koe ō tautuhinga tūmataiti i runga paetukutuku pāpāho pāpori.

Te Hoko Tuihono

- Ina hoko tuihono, me whakamahi tikanga utu haumaruru pēnei i a PayPal, tō kāri nama rānei.
- Kia tūpato i ngā mahi tinihanga, whānako tuihono, ngā kaiwhakarato teka hoki.
- Me mātua whakarite he tūturu ngā tono mai i ngā kamupene, te hunga rānei e tono kōrero tuakiri, pūtea rānei.

Ngā Pūrere Kawe

- Me whakamau kupuhipa kia haumaruru.
- Whakamahia ngā pūmanawa pareketo me te whakahou haere tonu, pērā i ētahi atu o ō pūrere ipurangi.
- Ko ngā taupānga tōtika anakei hei tikiake.

Haumaruru Rorohiko

- Haumaruru Rorohiko: Tāutahia ngā pātūahi tōtika.
- Me whakahou haere tonu ō pūmanawa pareketo.
- Me whakahou haere tonu ō pūmanawa whakahaere.
- Me mātua whakarite kua pūruatia haumaruru e koe ō kōrero kei tūpono rarururu noa. Mēnā kei te whakawātea koe i tētahi rorohiko, me mātua whakarite kua whakawāteahia e koe ngā raranga whaiaro katoa me te whakarite kua wātea katoa te pūmārō.